

اوسات عمومي شجره عمومي

هفته لقی سیاسی ، ادبی و علمی غزته در .

جلد : ۱

سنه : ۱ ۲۲ جادی الآخر ۱۳۳۵ جمعه ايرتسی ۱۴ نیسان ۱۹۱۷ نومرو ۲۴

بر یالانک تاریخی

کمال حرمتله شگری بلك افندی به

تصادفك تحف بر تجلیسیله ، تورکیه نك تاریخ تشکله و انحطاطنده آمریقا بویوک بر رول اوینامش ، وبرکره موفقیت ، برکرده فلاکت کتیرمک شرطیله ، بر جدید ایکی دفعه مقدراتمزه تأثیر ایتشدیر : اسکی دنیانک اسکیدن بروحدتی واردی ، وبو وحدتده ، خرسقیانلنی تهدیدایدن هر تهلکه به قارشی ، پاپانک بردنبره مادیلشن حاکمیت معنویه سی آلتنده تجلی ایدردی . اوزمان آوروپانک بو خرسقیان هیئته کیم هجوم ایتشمسه ، بو وحدتک قارشیسنده درحال انحلال ایتشدی . فقط اون بشنجی عصر کلنجه ، وجدانک ره فورم اسمنده کی مختاریتنی ده برابر کتیردیکندن ، بیزانسی استانبوله تحویل ایدن تورکه قارشی اسکی وحدتی احیا ایتک ایستین پاپالرک هر وعظی وبوتون نصیحتی بیوده قالدی ؛ زیرا کلیسا انقسام ایتمش ، نفوذی اکیلمش ، و ... برمدت صوکرده ، آمریقا کشف ایدلشدی ؛ اکر مقصد یرسه ، یکی دنیا بوم بوشدی . جنویزلر ، اسپانیولر و پورتیکیزلر ، بو سببله ماورای اوقیانوسه آقین ایتدیلر . میراثه قونارکی ، کیتدکجه همان هرملت یکی قطعه بی استملاکه قوشدی ؛ اکر آوروپانک بو ترقی واستعمار احتیاجنک ابدالرنده میدانه بر آمریقا چیماسه ایدی ، عثمانلی تاریخی بوس بوتون باشقه بر شکل آلاجقدی ؛ بوتون غربک شرقه ، واولا شرقک اوک قسمنه آتیلداسیله ، آسیاده بر آمریقا تاریخنک جریان محققدی ! ... ایشه ، آمریقانک عثمانلی تاریخنه بر خدمت شکلنده اولان برنجی تأثیری بودر .

ایکنجی تأثیری ده ، ایکی یوز برقاچ سنه صوکره ، اون سکزنجی عصر ایچنده تظاهر ایدردی . اوزمان روسیه تأسس ایتمش ، واونک برأ اولان مساعیسنه ، آمریقادن آرتق دونلرده بحرأ اشتراک ایتشدی ؛ چونکه یکی دنیانکده ملتربله حکومتلری تشکل ایدرک آوروپالیرلی قوغدقدن صوکره ، آرتق آرقالرندن قاپولرینی قاپامشردی . بو سببله انکلتزه ، هولاندا ، فرانسه واسپانیا کی دول بحریه ، آسیاده استعمار ایدرک جزائر وشبه جزائر تحریسنه چیقیدیلر . بزده یوللرینک اوستنده دوریوردق : بوندن دولانی ، آمریقا باشنده کیلری اوستمزه آتمش اولدی .

قایقچینک فلسه سی

دها کنجدم، شعره هوسم واردی،
 آغلایردی بنی ایصسز کیچه لر؛
 شعرمدده بر نفی تکلم ایدر،
 روحده بر عاشق غریب آغلاردی.

§

قلمله کچینردی هائلهم
 یازدقلم نه یدی؟ هپ کندی دردم!
 اولیوردم احتیاجله ملهم،
 کوز یاشمی صاتوب اولادبسلردم!

§

کونلر کچدی، باقدی یوزمه فلک
 آرتق زمان کوز یاشمی دیندیردی،
 نه اولدمسه اولدم... فقط کچنمک
 اسکی یوقسول شاعری دیدیندیردی؛

§

قورتلپور دیدنمکدن یشایان
 کورمش واری بیلیم راحت یوزینی؟
 بن بر زمان چیقارمادم خاطرден
 اختیار بر قایقچینک سوزینی:

§

بوزواللی بر یاز صباحی ایرکن
 بنی اوزاق بر یردن کتیرکن
 یورغون یورغون طورمش النده کورک،
 شو سوزلری سویلشدی کوله رک:

اللی بیلدر قوجه انکین دریایی
 بر چوماقله قارشدررطورورم،
 یاقینلاشدم آرتق کورندی قیئی
 آرادینم مکر طوپراقش اوغلم!

مامح رفعت